

Maibummel 2010

Am Wasser entlang bi Gleis verbi
wo gaht ächt dä Maibummel das Jahr hi
das fröged sich 34 Turnerinne wo uf em Zelgliplatz wartet
punkt siebni wird dänn gschtartet
alli händ Windjacke und Schirm debi
aber vorläufig hätts dä Petrus no la si

Mir sind chrüz und quer dur Dietike gloffe
und nach vielne Umwäge i dä Pergola itroffe
chum sind mir gsässe
losed, dä Petrus hätt eus nüd vergässe

Aber das hätt eus jetzt nüd intressiert
mir händ nämli d'Schpischarte gschtudiert
ä sone grossi Uswahl, so viel feini Sache
die tüends eim würrklich nüd eifach mache

Aber irgendwänn hätt sich jedes entschlosse
und wie ich ghört ha händ alli s'Aesse gnosse
wer also fein ässe wett und grossi Uswahl ha
gat eifach is Reschterant Pergola

Ime Geburtstagschind hämmer no gratuliert
und ä paar Turnerinne händ feine Chueche serviert
die nüme ganz Junge sind zerscht use in Räge
wänn die ganz Junge gange sind chan ich nüd säge

Claudia und Gaby es isch herrlich gsi
mir sind s'nächst Jahr wieder debi

Romy Anderhalden

